

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 02.09.2020թ. թիվ 2011555107 որոշումն անփոփոխ, իսկ վարչական բողոքն առանց բավարարման թողնելու մասին

<<22>> 09 2020թ. 7-13- 11636

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արսեն Մաթևոսյանի ՄԴ/131746-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Շենգավիթ վարչական շրջանի Բագրատունյաց փողոցի 20 շենքի 27 բնակարանի բնակիչ Արսեն Մաթևոսյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 02.09.2020թ. թիվ 2011555107 որոշումը՝ նշելով, որ ավտոմոբիլը անսարք էր, հետընթաց է կատարել մի քանի մետր, մտել է ավտոկանգառ և անսարքությունը վերացնելուց հետո շարունակել ճանապարհը:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հադվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները: Դիմումի քննարկման արդյունքում պարզվել է, որ վարչական տույժ նշանակելու մասին որոշումն օրինական է և հիմնավոր, քանի որ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>>28.06.2007թ. թիվ 955-Ն որոշման 49-րդ կետի համաձայն՝ **հետընթացն արգելվում է** խաչմերուկներում, մերձակա տարածքից ճանապարհ դուրս գալիս և կանոնների 50-րդ կետում թվարկված տեղերում, իսկ 50-րդ կետի 7-րդ ենթակետի համաձայն՝ **միակողմ երթևեկությամբ ճանապարհներին:**

Իրավախախտումն ամրագրած տեսանյութը փաստում է, որ դիմումատուին պատկանող <<TOYOTA>> մակնիշի 36AM845 հաշվառման համարանիշի տրանսպորտային միջոցի վարորդը 17.08.2020թ. ժամը՝ 14:14-ին Երևան քաղաքի Աբովյան փողոցում հետընթաց է վարում միակողմ երթևեկությամբ ճանապարհով՝ հոսքին հակառակ ուղղությամբ:

Հարկ է նշել, որ Վարչական իրավախախտումների վերաբերյալ ՀՀ օրենսգրքի 124-րդ հոդվածի 14-րդ մասի պահանջը խախտելու համար (խոչընդոտ ստեղծել կամ չստեղծել, անզգուշությամբ և այլն) Վարչական իրավախախտումների վերաբերյալ ՀՀ օրենսգրքի 124-րդ հոդվածով արարքը նվազ նշանակություն ունեցող կարգ սահմանված չէ, հետևաբար դիմումատուի արարքը չի կարող գնահատվել նվազ նշանակություն ունեցող:

Ինչ վերաբերվում է ավտոմոբիլի անսարքության դիմումատուի պնդմանը, ապա այն առժանահավատ համարել հնարավոր չէ, քանի որ վարորդի կողմից չի ձեռնարկվել

համապատասխան միջոցներ անսարքությունը տեղում վերացնելու համար այլ հետընթաց է վարել
* թույլ տալով երթևեկության կանոնների խախտում:

Այսպիսով դիմումատուի արարքում առկա են Վարչական իրավախախտումների վերաբերյալ
ՀՀ օրենսգրքի 124-րդ հոդվածի 14-րդ մասի հատկանիշները, ուստի նրան վարչական
պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ
օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 02.09.2020թ. թիվ
2011555107 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ
վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արսեն Մաթևոսյանին:



Ե. Կարապետյան

Կատարող՝ Տ. Մարգարյան
Հեռ. 060-83-84-02